



جدوال قمبراچان خطبه جمعة

Siri 12/ 2022

(Bulan Disember Tahun 2022)

ب	تاجوق	تاریخ
1.	Khutbah Khas JKR Malaysia : قمبراچون لیستاری، نعمت دشوکوری	2.12.2022M/ 7 Jamadilawwal 1444H
2.	تغکو عجاب ایو باف دوقتو چوتی سکوله	9.12.2022M/ 14 Jamadilawwal 1444H
3.	منجان قنداقتن نکارا تغکو عجاب برسام	16.12.2022M/ 21 Jamadilawwal 1444H
4.	سایکن دنیا برقد قد	23.12.2022M/ 28 Jamadilawwal 1444H
5.	انق ۲... سدی کسکوله؟	30.12.2022M/ 6 Jamadilakhir 1444H
	خطبه کدوا	

فرچیتقن دبیاای:ی:



***Jawatankuasa Panel Semakan Teks Khutbah Negeri
Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Tanggungjawab Ibu Bapa Sewaktu Cuti Sekolah

(9 Disember 2022M/ 14 Jamadilawwal 1444H)

الْحَمْدُ لِلَّهِ الَّذِي جَعَلَ لَنَا الْعُظْلَةَ الْمَدْرَسِيَّةَ فُرْصَةً وَنِعْمَةً، وَبِئْسَ مَنْ حَوَّلَ النُّعْمَةَ إِلَى نِقْمَةٍ، وَبِئْسَ مَنْ تَحَوَّلَتْ عَلَيْهِ النُّعْمَةُ يَوْمَ الْقِيَامَةِ خَسْرَةً وَنَدَامَةً.
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ هَدَانَا إِلَى أَوْضَحِ مَحَجَّةٍ وَأَقْوَمِ سُنَّةٍ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ سَارَ عَلَى نَهْجِهِ إِلَى يَوْمِ الْآزِفَةِ. أَمَّا بَعْدُ، فَيَا مَعَاشِرَ الْمُؤْمِنِينَ عِبَادَ اللَّهِ، أَوْصِيكُمْ وَنَفْسِي بِتَقْوَى اللَّهِ، فَإِنَّ مَنْ اتَّقَى اللَّهَ وَقَاهُ، وَأَرْشَدَهُ إِلَى خَيْرِ أُمُورٍ دِينِهِ وَدُنْيَاهُ.

SIDANG JUMAAT YANG DIKASIHI ALLAH,

Di kesempatan yang penuh kemuliaan ini, khatib berpesan kepada diri sendiri serta para jemaah sekalian, bertakwalah sekalian kamu kepada Allah *سُبْحَانَهُ وَتَعَالَى*, dengan sebenar-benar takwa. Mudah-mudahan, dengan bertakwa kepada Allah akan memberikan kejayaan kepada kita di dunia dan akhirat.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja dan bermain telefon bimbit. Bersempena dengan



hari yang penuh keberkatan ini, mimbar akan membicarakan khutbah yang bertajuk: **“Tanggungjawab Ibu Bapa Sewaktu Cuti Sekolah”**.

HADIRIN SEKALIAN,

Sesi persekolahan bagi tahun 2022 akan melabuhkan tirai dan akan menjelma waktu cuti sekolah. Waktu sebegini, pastinya ditunggu-tunggu oleh anak-anak yang bergelar pelajar.

Bagaimanapun bercuti tidak wajar dijadikan tiket untuk membuang masa begitu sahaja. Tanggungjawab untuk mempertingkatkan ilmu pengetahuan termasuklah ilmu tidak formal haruslah diambil perhatian agar pelajar dapat menggunakan masa cuti sekolah ini dengan perkara yang bermanfaat. Perkara ini dijelaskan Allah ﷻ dalam surah Al Mulk ayat 26;

قُلْ إِنَّمَا أَلِمْ عِنْدَ اللَّهِ وَإِنَّمَا أَنَا نَذِيرٌ مُّبِينٌ ﴿٢٦﴾

Maksudnya: *“Katakanlah (wahai Muhammad): Sesungguhnya ilmu pengetahuan (tentang masa kedatangannya) hanya ada pada sisi Allah dan sesungguhnya aku hanyalah seorang rasul pemberi ingatan dan amaran yang terang nyata.”*

Pada masa kini, tanggungjawab menuntut ilmu bukan hanya berlegar di bilik darjah semata-mata, sebaliknya pelbagai kemudahan dan peranti tanpa sempadan, membolehkan para pelajar mengakses pelbagai maklumat ilmu bagi persediaan sesi persekolahan pada tahun hadapan.

Malah, pelajar yang cemerlang akan memanfaatkan cuti sekolah sebegini dengan pelbagai perkara yang bermanfaat

seperti membuat jadual waktu pembelajaran sendiri serta mendapatkan maklumat dan bahan rujukan terutamanya bagi subjek-subjek yang sukar dipelajari. Lebih-lebih lagi, bagi pelajar-pelajar kelas peperiksaan, *mood* untuk menghadapi peperiksaan perlu dikekalkan supaya pelajar dalam keadaan sentiasa bersedia dan tidak ketinggalan dengan tajuk yang diajar oleh guru.

Ibu bapa seharusnya merancang pelbagai program dan aktiviti yang terbaik agar anak-anak di rumah dapat mengisi hari-hari cuti persekolahan dengan perkara yang bermanfaat.

MUSLIMIN YANG DIRAHMATI ALLAH سُبْحَانَهُ وَتَعَالَى،

Firman Allah سُبْحَانَهُ وَتَعَالَى pada ayat 11 daripada surah Ar Ra'd:

لَهُ مُعَقِّبَتٌ مِّنْ بَيْنِ يَدَيْهِ وَمِنْ خَلْفِهِ يَحْفَظُونَهُ مِنْ أَمْرِ اللَّهِ إِنَّ اللَّهَ لَا يُغَيِّرُ مَا بِقَوْمٍ حَتَّىٰ يُغَيِّرُوا مَا بِأَنْفُسِهِمْ وَإِذَا أَرَادَ اللَّهُ بِقَوْمٍ سُوءًا فَلَا مَرَدَّ لَهُ وَمَا لَهُمْ مِّنْ دُونِهِ مِنِّ وَالٍ ﴿١١﴾

Yang bermaksud: “Bagi tiap-tiap seseorang ada malaikat penjaganya silih berganti dari hadapannya dan dari belakangnya, yang mengawas dan menjaganya (dari sesuatu bahaya) dengan perintah Allah. Sesungguhnya Allah tidak mengubah apa yang ada pada sesuatu kaum sehingga mereka mengubah apa yang ada pada diri mereka sendiri. Dan apabila Allah menghendaki untuk menimpakan kepada sesuatu kaum bala bencana (disebabkan kesalahan mereka sendiri), maka tiada sesiapaupun yang dapat menolak atau menahan apa yang ditetapkannya itu, dan tidak ada sesiapaupun yang dapat menolong dan melindungi mereka selain daripada-Nya.”

Ayat ini memberikan pengkhabaran kepada setiap insan agar perlunya pengorbanan dan usaha yang dilakukan oleh manusia itu sendiri untuk mencapai kejayaan dalam hidup. Bagi mencapai objektif dan matlamat ini, maka sudah tentu pengurusan masa yang berkualiti amat diperlukan bagi seseorang pelajar memanfaatkan sebaik mungkin hari-hari cuti persekolahan berlangsung.

Pengurusan masa amat dititikberatkan dalam Islam. Dalam sebuah hadis daripada Ibn Abbas رَضِيَ اللَّهُ عَنْهُ Rasulullah صَلَّى اللَّهُ عَلَيْهِ وَسَلَّمَ bersabda:

إِغْتَنِمْ خَمْسًا قَبْلَ خَمْسٍ: شَبَابَكَ قَبْلَ هِرْمِكَ، وَصِحَّتَكَ قَبْلَ سَقَمِكَ، وَغِنَاءَكَ قَبْلَ فَقْرِكَ، وَفَرَاغَكَ قَبْلَ شُغْلِكَ، وَحَيَاتَكَ قَبْلَ مَوْتِكَ

Maksudnya: Gunakanlah dengan baik lima perkara sebelum datang lima (yang lain): Masa mudamu sebelum datang masa tuamu, sihatmu sebelum datang sakitmu, kayamu sebelum datang fakirmu, waktu lapangmu sebelum datang waktu sibukmu dan hidupmu sebelum datang matimu.”

Oleh itu, pengurusan masa yang berkualiti lebih awal sebelum memasuki cuti persekolahan amat penting agar para pelajar lebih bersedia dan lebih bersemangat. Sokongan ibu bapa dan ahli keluarga yang lain juga perlu agar para pelajar tidak terleka dan hanya melakukan aktiviti yang membuang masa dan tidak berfaedah.

MUSLIMIN YANG DIMULIAKAN ALLAH سُبْحَانَهُ وَتَعَالَى،

Cuti persekolahan juga dapat dimanfaatkan dengan pelbagai aktiviti kemahiran, sukan, dan perkara yang boleh mendatangkan

nilai tambah kepada para pelajar. Cabaran dalam era pendidikan pada masa kini memerlukan ketrampilan para pelajar bukan hanya menguasai bidang akademik semata-mata, malah pentaksiran bilik darjah (PBD) yang dilaksanakan oleh Kementerian Pendidikan Malaysia memerlukan pelajar yang kompeten, dinamik serta mempunyai pelbagai kebolehan nilai tambah yang menyeluruh.

Bagi mencapai matlamat ini, ibu bapa hendaklah menggalakkan para pelajar untuk belajar berdikari dan bersifat *multi-tasking* atau memiliki pelbagai kemahiran dengan cara melakukan aktiviti yang boleh dilakukan di rumah. Misalnya, membantu ibu membuat kerja-kerja rumah, membantu ayah di premis perniagaan, sawah bendang, kebun dan sebagainya bagi meningkatkan kemahiran dan nilai yang dapat meransang kebolehan mereka agar menjadi pelajar yang lebih matang dan berkebolehan.

Perkara ini amatlah penting agar pelajar tidak hanya mengharapkan bantuan orang lain untuk melakukan sesuatu perkara dan secara tidak langsung akan memupuk sifat berdikari dalam kalangan diri pelajar itu sendiri.

Sewaktu cuti sekolah terdapat berbagai aktiviti yang dapat dijalankan antaranya mengulangkaji pelajaran, mendapatkan sumber rujukan buat pembelajaran yang akan datang, melakukan aktiviti riadah bersama keluarga dan rakan-rakan serta membantu ibu bapa di rumah. Malah, terdapat juga pelajar yang memanfaatkan cuti sekolah dengan melakukan pekerjaan sampingan bagi mendapatkan wang saku sebagai rezeki tambahan kepada keluarga.

SIDANG JEMAAH YANG DIRAHMATI ALLAH,



Pelajar yang cemerlang dari aspek agama bukan hanya dapat menguasai bidang akademik semata-mata, namun juga memiliki sahsiah dan akhlak yang baik dengan masyarakat dan jiran tetangga. Malah, hasil didikan perkara kebaikan yang diterapkan kepada anak-anak akan menjadi saham akhirat yang tidak ternilai kepada kedua ibu bapa berdasarkan sebuah Hadis Sahih Riwayat Muslim;

إِذَا مَاتَ الْإِنْسَانُ انْقَطَعَ عَنْهُ عَمَلُهُ إِلَّا مِنْ ثَلَاثَةٍ إِلَّا مِنْ صَدَقَةٍ جَارِيَةٍ
أَوْ عِلْمٍ يُنْتَفَعُ بِهِ أَوْ وَلَدٍ صَالِحٍ يَدْعُو لَهُ

Maksudnya: “Apabila mati seorang manusia, terputuslah daripada amalannya kecuali tiga perkara: sedekah jariah atau ilmu yang dimanfaatkan dengannya atau anak yang soleh yang mendoakan baginya”.

Justeru, amat beruntung bagi ibu bapa yang mengambil berat tentang Pendidikan anak-anak mereka kerana ia merupakan Amanah yang perlu dipikul dan akan dihisab di akhirat kelak.

SIDANG JEMAAH YANG DIRAHMATI ALLAH سُبْحَانَهُ وَتَعَالَى,

Pada zaman yang serba mencabar ini, pastinya cara mendidik anak-anak bukanlah mudah terutamanya mereka yang telah meningkat remaja.

Ibu bapa hendaklah bijak memainkan peranan sebagai pengawal, pembimbing, kaunselor dan teman yang akrab dengan anak-anak agar mereka merasakan ibu bapa sebagai penyelamat buat mereka. Oleh itu, perlunya masa yang khusus untuk ibu bapa bersama dengan anak-anak, bertanya mengenai perkembangan

pelajaran mereka, agar mereka tidak merasakan bahawa mereka diabaikan oleh ibu bapa sendiri.

Mimbar pada hari ini menyeru semua hadirin agar kita mempunyai waktu bersama dengan anak-anak walaupun dalam kesibukkan mencari rezeki buat ahli keluarga.

SIDANG JUMAAT YANG AMAT DIKASIHI SEKALIAN,

Sebagai kesimpulan daripada khutbah pada hari ini:

Pertama: Para pelajar haruslah memanfaatkan dengan sebaiknya cuti sekolah agar ia tidak terbuang begitu sahaja.

Kedua: Waktu cuti persekolahan bukanlah tiket untuk mengabaikan pelajaran.

Ketiga: Ibu bapa hendaklah mengambil kesempatan dalam cuti sekolah ini dengan melakukan aktiviti-aktiviti berfaedah bersama anak-anak.

Firman Allah dalam surah Al-‘Asr:

بِسْمِ اللَّهِ الرَّحْمَنِ الرَّحِيمِ
وَالْعَصْرِ ۝١ إِنَّ الْإِنْسَانَ لَفِي خُسْرٍ ۝٢
إِلَّا الَّذِينَ ءَامَنُوا وَعَمِلُوا الصَّالِحَاتِ وَتَوَّصُوا بِالحَقِّ وَتَوَّصُوا بِالصَّبْرِ ۝٣

Maksudnya: *“Demi masa! Sesungguhnya manusia itu dalam kerugian; kecuali orang-orang yang beriman dan beramal soleh, dan mereka pula berpesan-pesan dengan kebenaran serta berpesan-pesan dengan sabar.”*

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ قَوْلِي
هَذَا، إِنْ كَانَ صَوَابًا فَمِنْ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ، وَأَسْتَغْفِرُ
اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ إِنَّهُ هُوَ
الْغَفُورُ الرَّحِيمُ.



خطبة كدوا بولن ديسمبر

2022M/ 1444H

الْحَمْدُ لِلَّهِ عَلَى الْآلَاءِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ اْعَلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibni
Almarhum Sultan Haji Ahmad Shah Al-Musta'in Billah dan Kebawah Duli



Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجَذَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi

atau menerima rasuah dan segala perbuatan durjana yang merosakkan kepentingan agama, masyarakat dan negara. Jauhkan kami dari tergolong dalam golongan yang mengabaikan tanggungjawab yang telah diamanahkan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٩﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٢٠﴾